




Kokonyana le Tlou

Sicelo Hlamandana

Simangaliso Sibiya & Fezile Twala





Hoseng ho hong diphoofolo di ile tsa kopana ho kgetha morena wa tsona.


Diphoofolo le dikokonyana tse fapaneng di ile tsa tla kopanong.

Diphoofolo tsohle di ile tsa makala. Ditlou, diphoofolo tse kgolo, ha di kaba tsa tla kopanong.



Kopano e ile ya tswela pele ntle le ditlou.


“Re tla tshwara dikgetho le ha ditlou di le siyo.
Re tlamehile ho tseba morena wa rona kajeno,”
ho rialo Sephooko.



Diphoofolo tsa kgetha Kokonyana jwaloka morena wa tsona.

Kokonyana a dumela ho ba moetapele le ha a ne a tshohile.


"Ke boikarabelo bo boholo, le mosebetsi o mongata," kokonyana o rialo.



Ditaba tsa ho kgethwa ha Kokonyana jwaloka
morena tsa hasana kapele.

Tsa fihla ditsebeng tsa kgosana ya ditlou.


O ne a halefile haholo.



Kgosana ya ditlou ya ya batla dijo morung.

O ne e le matla, mme e sa hlomphe mang kapa mang haholoholo dibopuwa tse nyenyane jwaloka dikokonyana.


O ne e sa kgathalle hore o itshuntse sebakeng sa Dikokonyana.



Kgosana e matla ya phesela kutu ya sefate ha e ntse e tsamaya. Sekgagatha sa dikokonyana sa tswa se baleha!

Morena Kokonyana ya sa tswa kgethwa a kena harehare nkong ya kgosana.


Kokonyana a re, "O lokela ho hlompha bohle." A loma kgosana makgetlokgetlo.



Kgosana ya bokolla, ya kopa tshwarelo.

Tsatsing leo kgosana ya kgutlela hae e hloname,
mme e sa fumana dijo.

Ditlou tse ding di ile tsa makatswa ke ditshepiso
tseo kgosana e di entseng le Morena
Kokonyana.



Ditlou di ne di thabetse hore kgosana e
kgutletse ho tsona.

Di ne di sa kgathalle hore Kokonyana ke
Morena.

Dikokonyana di ile tsa busa leha e ne e le
diphoofolo tse nyenyane jwalo.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Kokonyana le Tlou

Author/s: Sicelo Hlamandana

Translator/s: Maria Vaz

Illustrator/s: Simangalisso Sibiya & Fezile Twala

Assurer/s: Nthabiseng Tsatsi, Mathapelo Morake

Language: Sesotho (South Africa)



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

